



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

iiij Serapion Bischoff zu Antiochia.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

nen Aekern. Also ward die verachtung Gottes worts vnd seiner Diener gestrafft. Zu derselben zeit sind Mann vnnnd Weib/so verzeichnet gewesen/16000. gemartert vnd getödtet worden. Daruon schreibet Sozo. libri secundi capite decimoquarto Eccles. Histor.

Dieser hat gelebt zur zeit Commodi Imp. Ist zu Antiochia ein Bischoff gewesen. In der verfolgung der Christen / hat er sich etwa ganz verzagt gehalten / vnd seinen Christlichen Glauben nicht öffentlich wöllen bekennen / darumb ward er von der gemeynschafft der Christen außgeschlossen. Nach dem er aber schwach worden / vnnnd drey tag tödt krank gelegen / begeret er durch den Christlichen Priester die Absolution / vnd das heylig Nachtmahl Christi zu empfangen / vnd schickt seiner Tochterkindt zu dem Kirchendiener / Dieweil aber der Priester auch krank war / vnnnd nicht selbst kommen kundt / gab er dem Knaben dasselbig / vnd befahle ihm / daß er ihn trösten vnnnd das geben solte. Solches that der Knabe / vnnnd da er zu Serapio kam / sagt er ihm / wie der Priester schwach heyt halben nicht kommen köndte /

R iij ex

um
B
iij
Serapio.

er hett im aber solches außzurichten befohlen.
Wolan/ sagt Serapion/ so thu in dem namen
des HERN/ was er dir befohlen hat/ vnd laß
mich im frieden fahren. Nach dem er solches
empfangen hat/ ist er friedlich gestorbē. Euse-
bius lib. 6. cap. 44.

sep
E
v
Hercula
nus.

Dieser ist ein Christlicher Bischoff zu Ve-
rusa gewesen/ Die Statt aber ward von
den Gothis belagert/ häfftig bezwänget/ vnd
endlich erobert/ Der Oberst des Kriegsvolcks
ließ disen frommen Mann ergreifen/ vnd auff
der Stattnauer den Kopf abschlagen/ vnd
den Leib vber die Mauwr hinab werffen/ Erti-
che aber begruben in mit einem Kindlein/ vber
40. tag suchten sie den Leib / in die Kirchen zu-
begraben / da funden sie des Kindes Leib ganz
voll Wärm/ aber des Herculani Leib war noch
ganz reyn vnd vnbesleckt. Ist geschehen/ vmb
das Jar Christi 550.

ha
D
v
Mag
sus.

Dieser ist in Apulia vonn Ehrlichen/ doch
Heydnischen Eltern geboren/ Nach dem er
nun alt war/ gieng er fleißig in die versamlung
der Christen / vnd höret ihre Lehr/ dardurch
ward er zu Christlicher erkandnuß gebracht.